

آنادولو مجموعہ کی

صافی ۳

دوقنور رضا نور

تورک شعرینک شکلی و آدلی

مکرمین خلیل

ملی تاریخچہ ک موضوعی

علمی ضیا

قاف داغی

ابراہیم حق

آنادولو اقلیتی

شراب الدین

قونیہ دہ یثیل قبہ

محمد امین

صوک ہیئت علمیه

نجیب فاضل

بر حکایہ

اسماعیل نامی

کچن قیز

نجیب فاضل

داغلو و کور اوغلی

آپک ایلری : آنادولو انقلابی - آنادولو قادینی - موصل - بروظیفہ نک اختاری

یونسخہ تریبہ حضرت مولانایہ عائد اوچ رسم واددر .

ناشری : آنادولو قوماندیت نشریات شرکتی

آنادولو قادينى . — تورك وطنىدىن يالكرز استانبولى كورنلر ظن ايدرلر كه استانبول قادينى وطن آتتهلرينك تمثاليدر ؛ استانبول قادينى ظفرى قازانان كنج عسكرى يتشديره ، اونك تربيه سنى وىرن قاديندر . بوفكر ياكلشدر . مدنى تورك قاديىنك انموزجنى استانبولده آرامق ييهوده برامك وبوش براشتالدر . استانبول قاديىنه باقوب تورك قاديىنلغك معيارىنى آكلامق يالكرز كوچ دكل حتى غير قابلدر . اكر تورك قاديىنى كورمك ايسته يورسه كز يرير آنادولويي كزيكر ، اونك انموزجنى اورالرده بولاجقسكز .

حقيقتاً آنادولو قاديىنى تورك قاديىنلغك اورنىكى اولاييله جك يكانه تمثالدر . مدنى برقاديىنده هانكى وصفلى آراسه كز مطلقا وبلا استنا آنادولو قاديىنى اونلرى كىندنده طوبىلامشدر . عشقه وفا ، حياتده متانت ، اخلاقده رصانت ، تربيهده غنغنه حرمت و آلايشدن اجتاب آنادولو قاديىنك طبيعى مزيتلريدر . ذوقى بسىط ، ادراكى دار ، نفوذ نظرى آز ظن ايدىلن آنادولو قاديىنك بالعكس ذوقى متكامل ، حدسلى قوتلى و ذكاسى كى ادراكى ده كىنىشدر . فقط او ، بوتون بونلرى كوستر شله ، مبالغه ايله ساتان قاديىن دكلدر ، بوتون تكامللارنى كىندىسى و آوى ايجون اوده يه جى بر ثروت عدايدر . مدنى وعصرى برقاديىن يانده آنادولو قاديىنك موقعى كوچوك

صاينلاماز . زيرا ابتدائىلىكده تكاملك صوك حدى كىزلىدر . آنادولو قاديىنى يانيق چهره سى ، بوكوك و اختيار قامتى و سرتله شن عضله سيله جانلى بر هيكل مساعيدر . آرزولرىنى ار ككنه فرط مربوطيتيله ، چوجوقلرينه فرط محبتيله و حياته قارشى فرط شوقيله تطمين ايدر . اونجه هر ايش قولاي ، هر مشكل قابل اقتحامدر . آنادولو قاديىنك خاطرينه تنبك كلش دنيلاه مز . تفرعاته قدر حيات مشغله سته دالمشدر ؛ هيچ برتهلكه او كنده قورقماز ، هيچ بر مانعه مواجهه سنده اركىلمز ، هر تهلكه و هر مانعه يى حياتك بر جلوه سى ديه قبول ايدر و كوله رك قارشىلار . چونكه آتته سنى اويله كورمش و طالع سز حياتنده بونك مقدر اولديغى او كرمشدر . يالكرز اونك

كچى قىز

— حيدره —

نه كوزهل صاچنك قارا كلق رنىكى ،
مست ايدر سىنىك چيلغىن آهنگى ،
كورونجه : « بودىدم كوكلك ذكى ، »
سويشمك بزه چون خيال اولسه ده .



اوزاقدن كچر كن روزكاره بگزه ر ،
سرين دوداقلرى بر دم كولومسر ؛
دوشونور ، بكلم اوزون كيجه لر ،
بر لحظه قاوشمق محال اولسه ده .



ايچمده كىزلى بو حىك آتشى ،
بلكه ده يانده قلىمك آشى ،
فقط سوندرييور بو عشق ، كوشى ؛
جوابىز قالاچق سؤال اولسه ده .

اسماعيل نامى

شوقنی بوزان ، جسارتی قیران و حیات قوتلرینی آزالتان ایکی شیء واردر : غربت و اولوم . آنادولو قادینی اولومی غربت قدر آجی و غربتی اولوم درجه سنده آیریجی بولور . چوجوغنی عصر لرجه یمن چوللر نده ، آرناوودلق داغلر نده ، روم ایلی بالقانلر نده هدر اولمش کورن بر آنا ایچون بوندن دها طبعی هانکی حس واردر ؟ او ، غربت دنیلنجه هیچ دوشونمکسزین یمن قومساللرینی ، آرناوودلق قیالقلرینی و روم ایلیک آشیلماز داغلرینی خاطرلار . صانکه بورالک ازیلی آشناسیدر . دها بشیکده ایکن باباسنک بورالرده وحشی دشمنلر طرفندن پارچالاندینی دویمش ، بر آز بویونجه آغا بکسینک ینه بورالرده کیدوب دونمهدیکنی کورمشدر و بیلیر که بر کون قوجه سینه ده اورالرده کیده جک و کیه جک . بونک ایچوندر که آنادولو قادینی غربتی اولومدن آیرماز و ینه بونک ایچوندر که غربته کیدن قرده شی ، قوجه سینی ، چوجوغنی تابوتی آرقه سندن آغلار کی کوز یاشر یله تشیع ایدر . بو کوز یاشلر نده عصرلرک مرثیه فلاکت واضطرانی او قوماق قابلیدر ؟

بوکا رغماً آنادولو قادینی غربته اولومه آلیشمشدر . بر کون قوجه سنک تارلاسندن آیریلانجی ، قرده سنک یاندن آله جغنی ، چوجوغنک قوجاغندن قوپاریله جغنی بیلیر . بونلره اولیه قوی و اساسلی بر مربوطیت حس ایدر که اونلر حقیقتاً کندیسنی یالکیز راقعه مجبور ایدلر کیری زمان عادتاً بکله دیکنی بولش کی عصیانکار بر یاسله اللهنه شکر ایدر و کیده یولچینک خاطره لرینه قاپانیر . آرتق او ، روحی بر اعتکافه کیرمشدر آرتق اونک ایچون بوتون حیات بو خاطره لرده ، بوتون دنیا بو خاطره لر قارشیسنده سینیر . آنادولو قادینی بو شرائط ایچنده ، حیاتک ینه انسانلر طرفندن مقدر ظلم و قهرینه دوداقلر نده آجی بر تبسمله یاشار و بو شرائط ایچنده حیاتدن چکیلیر . فقط اونک یاشاماسنده اسرار انکیز بر حالت روحیه یی سز مه مک و بو حالت روحیه اوکنده حیران اولماق آلدن کیز . آنادولو قادینی اولورکن قلبنده بولایینی تک آجی ، حس ایتدیکنی تک تأثر ؛ غربته قالان قوجه سنک ، قرده سنک و چوجوقلرینک خاطره لر یله دهافضله باش باشه قاله مامقدن ، اوخاطره لر ی دهافضله آکه مامقدن ، حیاتک کندیسنی اونلردن آیردیغنی کی اولومکده خاطره لرندن آیرمه سندن متولددر . یوقسه اولوم ، آنادولو قادینی ایچون بویوک بر مجادلدهن ، و حیاتک قهر و ظلمندن قورتولمق اعتبار یله بویوک و دیولماز بر ذوقدر . تورک قادینلغنک انموذجی آنادولودن باشقه یرده آرایورسه کز خطا ایدیورسکیز . قادینی ذوق و سفاهت واسطه سی اولمقدن ک اول قورتاران ، مدنی اولدیغنی روایت ایدیلن

آوروپانك بۇكۇن وارمق ايستەيدىكى بوغايەيى عصرلرجه اول بولان آنادولو محيطيدر ،
آنادولوده قادين جمعيت دنيلهن اجتماعى عضويتك ركنيدر . بوشرفى آلدقدين صوكر
تورك قادينى اوندىن باشقه كيم تمثيل ايده بيلير ؟

ميرر مجيب

موصول . — سياست ديدى قوديلرى ، قونفهرانس مذاكره لرى ، هيئات مرخصه
اجتماعلى بىر هيچ علاقه دار ايتيور . عسكرى حركتلر كې سياسى مجادله لركده بو
وطنك حدودلرني چيزه چكهن اينانميورز . عسكرلر ، ديپلوماتلر ايستەدكلرى قدر
وروشسونلر وقونوشسونلر ؛ وطن حدودلرني اصلا كنديلرى تعيين ايده ميه چكلردر .
وطن ، تاريخك ياپدينى برآردر . وطن ، عصرلر ك ميراثيدر . وطن ، بزم ايجون بۇكۇن
قوريله جق بر بنا دكلدر . آلپ آرسلانك آنادولونك توركلر طرفدىن استيلاسنه مبدأ
اولان ظفرلرندىبرى وطنمىز بىك بر ييكيتك قهرمانلنى ايله انشا ايدلش بر تماملانمشدر .

بىز ، وطنمىز ياكى دن طوپلانا جق جزئر حالنده دكل ، اجزاي فرديه سى يكدىكرى
ايچنده غائب اولش بركل حالنده كورسيورز . اونك نه قوپا جق ، نه قوپا بيله جك بر بارچه سى
يوقدر . آنادولو ؛ آنادولونك قلىنده تماميتنى قزائمش بر اولكهدر . آنادولو ؛ آنادولونك
قلىنده حدودى وعناصرى معين بر مملكتدر . آنادولو نه اوحدودك خارجه باقييور ،
نده اونك داخلنه باقيلمىنى ايستەيور . آنادولونك تماميتنى انسانيله وعناصر طبعيه سيله
فضله كورنلر وارسه بونلر دائما آنادولونك چليك كوكنى قارشيلرنده بوله جقلر وبلكه
باشلرني بوچليك كوكسه چاربارق پارچاليه جقلردر . آنادولو وطنده كنديسندن باشقه
كىمسه يى ايستەميور . بو طوپراغك اوزرنده ، وبو هوانك ايچنده يالكىز بىز ياشايه جغىز .
كندى جانمزدن اول هر كسدىن قيصقانديغىمىز ، هر شيئدىن اسيركه ديكىمىز بر شىئ
وارسه ؛ بركل ، بر مجموعه حالنده يالكىز وطنمىزد . موصلى مذاكره زمينى ياپان
افديلر ! آنادولونك قلىنى اونوتمايكىز . آنادولو ؛ بو قبلك ايچنده وجود بولش
وصوك شكلى آلمشدر . آنادولودن ، اونك بۇكۇنكى سياسى بنه سندن دكل ، آنادولونك
كوكلنده تماملانمش عضويتدن بر ذره قوپاره بيلمك ايجون آنادولونك قلىنى پارچالامق
لازمدر . بونى ياپا بيله جك اولان نروده ؟

بروظیفه‌تک اضطراری . = استانبول دوشونمبور ، آنقره علاقه‌دار اولمبور و مملکتک اوزاق برکوشه‌سی ییقلیور ، یانیور ، چوکوب بیثور . اوراده کی ملتداشر اضطراب ایچنده صوگ نفسلری ویریور . بو وضعیت اوکنده دامارلرند تورک قانی اولانلرک متأثر اولاماسی ممکن دکلدر .

غزته‌لر کچلرده ارضرومده زلزله‌لر اولدیغی ، بو وطن پارچه‌سنک یریر خرابیه دوندیکنی یازدیلر . ویردها بونکله مشغول اولمادیلر . غزته‌لره نظراً ارضروم والیسی زلزله منطقه‌سی کزدی ، « تداییر لازمه‌یی اتخاذا » ایتدی . بویه‌جه ارضروم حوالیسی صارصان فلاکت بیتدی ، بونک هر آجیسی اونوتولدی و آرتق اشتغاله دکر یری قالمادی . بز ، مملکت افکار عمومیه‌سی تمثیل ایتدکلری ظن ایدن غزته‌جیلره دوغریسی کوجه- نیورز . مملکتک اوزاق قسملری بيلمکه بز ایچون دهآ آز قیمتلمیدر ؟ اورالردن اجنبی و دشمن اولکه‌لردن بحث ایتدیکمز قدر بيله بحث ایتیمورز . بورالرک اوغراقلری فلاکتلر مثلاً برفرقة مذاکره‌سی قدز فکریمزده یر بولیور ، مبادله ایشلری ، مهاجر مسأله‌لری کوزلرمزی دهآ فضله جلب ایدیور . بو عماً کافیدر . هرشیدن اول جانی ، قانی ، وارینی یوغنی بز اوغرمزده فدا ایتش اولانلری دوشونمه‌مز حق منحصرأ اونلری دوشونمه‌مز لازمدر . دشمن ظلمنه اوغرایان روم ایلی تورکلرینه امداده قوشان هلال احمر زرده ؟ کوستریش اولسون دیه وقتلی وقتسز ، سبیلی سیبیز تشکل ایدن اغانه هیئتلری زرده ؟ اوچ کیشی ، بش کیشی ارمنی زنکیلرینی مملکته صوقدی دیه فریاد ایدن غیرتکشلر زرده ؟

اصل وطن طوپراغنده مضطرب اولان قیلره دهآ اول یاردیم ایتک بورجهز دکلدر ؟

محمد ضالده

